

ҚАРОРИ
QARORI

Тошкент ш.
Toshkent sh.

2021 йил 24 август

№ 3 – 52 “с”

Янги таҳрирдаги “Ўзбекистон касаба уюшмалари Федерацияси тизимида жамоа шартномалари лойиҳаларини жамоатчилик экспертизасидан ўтказиш, қабул қилинган жамоа шартномаларини рўйхатга олиш тартиби” ҳамда “Жамоа келишувлари лойиҳаларини жамоатчилик экспертизасидан ўтказиш тўғрисидаги Низом”ни тасдиқлаш тўғрисида

Ўзбекистон касаба уюшмалари Федерацияси тизимида амалга оширилган тузилмавий ўзгаришларни, билдирилган таклифларни инобатга олиб ҳамда жамоа келишувлари ва шартномалари таъсирчанлигини ошириш, уларнинг лойиҳаларини Ўзбекистон Республикасининг амалдаги қонун ҳужжатларига, Бош ҳамда юқори поғонадаги тармоқ ва ҳудудий келишувларга мувофиқлигини таъминлаган ҳолда тезкор ва сифатли экспертизадан ўтказиш мақсадида Ўзбекистон касаба уюшмалари Федерациясининг Ижроия қўмитаси **қарор қилади:**

1. Қуйидагилар:

“Ўзбекистон касаба уюшмалари Федерацияси тизимида жамоа шартномалари лойиҳаларини жамоатчилик экспертизасидан ўтказиш, қабул қилинган жамоа шартномаларини рўйхатга олиш тартиби” 1-иловага;

“Жамоа келишувлари лойиҳаларини жамоатчилик экспертизасидан ўтказиш тўғрисидаги Низом” 2-иловага мувофиқ тасдиқлансин ва 2021 йилнинг 1 сентябридан амалга киритилсин.

2. Ўзбекистон касаба уюшмалари Федерациясининг жамоа келишувлари ва шартномалари лойиҳаларини экспертиза қилиш комиссияси таркиби 3-иловага мувофиқ тасдиқлансин.

3. Касаба уюшмалари Республика кенгашлари, Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашлари 2021 йилнинг 1 сентябридан бошлаб мазкур тартибга тўлиқ амал қилган ҳолда жамоа келишувлари ва шартномалари лойиҳаларини жамоатчилик экспертизасидан ўтказиш, қабул қилинган жамоа келишувлари ва шартномаларини рўйхатга олиш ишларини йўлга қўйсинлар.

4. Ўзбекистон касаба уюшмалари Федерацияси Кенгаши Раёсатининг 2013 йил 26 январдаги 9-21-сонли қарори билан тасдиқланган “Жамоа келишувлари лойиҳаларини экспертиза қилиш тўғрисидаги Низом” ҳамда

2014 йил 24 октябрдаги 19-13-сонли қарори билан тасдиқланган “Ўзбекистон касаба уюшмалари Федерацияси тизимида жамоа шартномалари лойиҳаларини жамоатчилик экспертизасидан ўтказиш, қабул қилинган жамоа шартномаларини рўйхатдан ўтказиш ва сақлаш тартиби” ўз кучини йўқотган деб ҳисоблансин.

5. Мазкур қарор бажарилишини назорат қилиш Ўзбекистон касаба уюшмалари Федерацияси раиси ўринбосари Б.Махмадалиев зиммасига юклатилсин.

Ўзбекистон касаба уюшмалари
Федерацияси раиси

 Қ.Рафиқов

**Ўзбекистон касаба уюшмалари Федерацияси тизимида жамоа
шартномалари лойиҳаларини жамоатчилик экспертизасидан ўтказиш,
қабул қилинган жамоа шартномаларини рўйхатга олиш**

ТАРТИБИ

Умумий қоидалар

1. Мазкур Тартиб Ўзбекистон Республикасининг “Касаба уюшмалари тўғрисида”ги Қонуни ҳамда Ўзбекистон касаба уюшмалари Федерациясининг 2021-2025 йилларга мўлжалланган Стратегик йўналишларига биноан ишлаб чиқилган бўлиб, жамоа-шартномавий муносабатларнинг ҳолис мониторингини йўлга қўйиш, жамоа шартномалари таъсирчанлигини ошириш ҳамда уларнинг Ўзбекистон Республикасининг амалдаги қонун ҳужжатларига, жамоа келишувларига мувофиқлигини таъминлаш мақсадида жорий этилади.

2. Жамоатчилик экспертизасини тезкор ва сифатли ўтказиш учун касаба уюшмаси раҳбар органи (Кенгаш, Қўмита, Раёсат, Ижроия қўмита) қарори билан тегишли комиссия тайинланади. Комиссиянинг сон таркиби раҳбар орган томонидан белгиланади, лекин 3 нафар аъзодан кам бўлиши мумкин эмас.

Жамоатчилик экспертизаси субъектлари

3. Жамоа шартномалари лойиҳалари жамоатчилик экспертизасини қуйидагилар (бундан буён “**Жамоатчилик экспертизасининг ташкилотчиси**” деб номланади) қошидаги эксперт комиссиялар амалга оширади:

Ўзбекистон касаба уюшмалари Федерацияси;

тармоқ касаба уюшмалари Республика кенгашлари;

Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашлари (тегишли тармоқ масъул ташкилотчилари иштирокида);

тармоқ касаба уюшмаларининг Қорақалпоғистон, вилоятлар ва Тошкент шаҳар, шунингдек туман, шаҳар кенгашлари, бирлашган касаба уюшмаси қўмиталари;

мазкур Тартибда кўзда тутилган ҳолларда – касаба уюшмаси қўмиталари.

4. Ўзбекистон касаба уюшмалари Федерацияси қошидаги эксперт комиссияси “Олмалик КМК” АЖ, Федерация тасарруфидаги ташкилотлар жамоа шартномаларининг, айрим тармоқлардаги ягона жамоа шартномаларининг, ўз аппарати, шунингдек тармоқ касаба уюшмалари Республика кенгашлари ҳамда Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашлари аппаратларининг жамоа шартномалари лойиҳаларини жамоатчилик экспертизасидан ўтказди.

5. Тармоқ (тариф) келишувларини тузган ижтимоий шерикларнинг республика идоралари, олий ва малака ошириш ўқув юртлари, тармоқ касаба уюшмаларининг Қорақалпоғистон, вилоятлар ва Тошкент шаҳар кенгашлари (бирлашган кўмиталари) аппаратлари ҳамда бевосита Республика кенгашига чиқадиган юридик шахсларнинг жамоа шартномалари лойиҳаларини барча тармоқ касаба уюшмалари Республика кенгашлари қошидаги эксперт комиссиялари жамоатчилик экспертизасидан ўтказди.

Шунингдек, тармоққа мансуб йирик юридик шахсларнинг жамоа шартномалари лойиҳаларини тегишли тармоқ касаба уюшмалари Республика кенгашлари қошидаги эксперт комиссиялари 1-иловадаги жадвалга мувофиқ жамоатчилик экспертизасидан ўтказди.

6. Қоида тариқасида бошланғич ташкилотга бевосита хизмат кўрсатадиган юқори касаба уюшмаси органи қошидаги эксперт комиссиялар ушбу бошланғич ташкилотнинг жамоа шартномаси лойиҳасини жамоатчилик экспертизасидан ўтказди. (Мазкур Тартибнинг 5-бандида кўрсатилган ҳоллар бундан мустасно).

Жумладан:

Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашлари бевосита тегишли тармоқ масъул ташкилотчиларига чиқадиган юридик шахсларнинг жамоа шартномалари лойиҳаларини;

тармоқ касаба уюшмаларининг Қорақалпоғистон, вилоятлар ва Тошкент шаҳар, шунингдек туман, шаҳар кенгашлари, бирлашган касаба уюшмаси кўмиталари бевосита ўзларига чиқадиган юридик шахсларнинг жамоа шартномалари лойиҳаларини жамоатчилик экспертизасидан ўтказди.

7. Тармоқ касаба уюшмаларининг Қорақалпоғистон, вилоятлар ва Тошкент шаҳар кенгашлари, шунингдек туман, шаҳар кенгашлари, бирлашган касаба уюшмаси кўмиталари қошидаги эксперт комиссиялари фаолияти йўлга қўйилмаган айрим ҳолларда юридик шахсларнинг жамоа шартномалари лойиҳалари Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашларининг эксперт комиссиялари томонидан жамоатчилик экспертизасидан ўтказилиши

мумкин. (Мазкур Тартибнинг 1-илоvasида кўрсатилган ҳоллар бундан мустасно)

Жамоатчилик экспертизасига ҳужжатларни тақдим этиш ва уни ўтказиш

8. Жамоатчилик экспертизасидан ўтказиш учун жамоа шартномасининг ёзма ёки электрон шаклдаги лойиҳаси тегишли эксперт комиссиясига юридик шахснинг касаба уюшмаси қўмитаси раиси ёки касаба уюшмаси ташкилотчиси (кейинги ўринларда “Бошланғич ташкилот раҳбари” деб юритилади) томонидан тақдим этилади. Зарур ҳолларда лойиҳанинг Word ёки PDF варианты электрон почта ёки мессенджерлар орқали тегишли **Жамоатчилик экспертизасининг ташкилотчиси**га юборилиши мумкин.

9. Жамоатчилик экспертизасига келиб тушган жамоа шартномалари лойиҳалари “Жамоатчилик экспертизасидан ўтказиш учун келиб тушган жамоа шартномалари лойиҳаларини қайд этиш китоби”да (2-илова) қуйидагилар томонидан дастлабки тарзда қайд этилади:

экспертизани Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашларининг эксперт комиссиялари ўтказган ҳолларда – тегишли **масъул ташкилотчилар** томонидан;

қолган барча ҳолларда - **Жамоатчилик экспертизасининг ташкилотчиси** томонидан.

10. Ҳар бир жамоа шартномаси лойиҳасини жамоатчилик экспертизасидан ўтказиш учун 15 календарь кундан кўп бўлмаган муддат ажратилади.

11. Жамоатчилик экспертизаси жараёнида экспертлар томонидан жамоа шартномасининг лойиҳаси амалдаги меҳнат қонунчилиги меъёрларига ва Бош ҳамда тегишли тармоқ (тариф), ҳудудий (минтақавий) ва ҳудудий-тармоқ келишувларига мувофиқлиги кўриб чиқилади ва тегишли тавсиялар берилади.

12. Жамоатчилик экспертизасининг ташкилотчиси сифатида туман, шаҳар касаба уюшма кенгашлари, бирлашган касаба уюшмаси қўмиталари, бошланғич ташкилотлар касаба уюшма қўмиталари иштирок этган тақдирда улар томонидан экспертизани ўтказишга ҳуқуқшунослар, иқтисодчилар ва бошқа малакали мутахассислар шартнома асосида жалб қилинишлари мумкин.

13. Ҳаракатдаги жамоа шартномаларига киритиладиган ўзгартириш ва қўшимчалар лойиҳалари бошланғич касаба уюшмаси ташкилоти (касаба уюшмаси қўмитаси)нинг талабига кўра экспертиза қилиниши мумкин.

14. Экспертиза натижалари 3-иловада келтирилган шаклда ёзма равишда расмийлаштирилади ва эксперт комиссияси раиси ва

экспертларнинг имзоси ҳамда муҳр қўйилган нусхаси юридик шахснинг касаба уюшмаси вакилига, унинг имзосини олиб, берилади ёки сканердан ўтказилган электрон шакли бошланғич ташкилотнинг электрон ёки мессенджер манзилига юборилади.

15. Жамоа шартномаси экспертиза қилиниши лозим бўлган корхона, ташкилот, муассаса бошланғич ташкилоти раҳбари иш берувчи билан биргаликда:

жамоа шартномаси қабул қилинишидан камида 30 кун олдин **Жамоатчилик экспертизасининг ташкилотчисига** экспертизадан ўтказиш учун жамоа шартномасининг лойиҳасини барча иловалар билан тақдим этади (ёзма ёки электрон шаклда);

экспертиза ўтказилганидан сўнг **жамоа шартномасининг лойиҳаси бўйича** эксперт хулосани ижро учун қабул қилади ва унда келтирилган эътироз ва таклифлар асосида жамоа шартномаси лойиҳасига иш берувчи билан биргаликда ўзгартириш ва қўшимчалар киритилишига эришади;

эксперт хулосадаги эътироз ва таклифларни асоссиз деб топган ҳолда, бу тўғрида юқори поғонадаги касаба уюшма органига мурожаат қилиш ҳуқуқидан фойдаланади.

Қабул қилинган жамоа шартномасини рўйхатдан ўтказиш

16. Қабул қилинган жамоа шартномалари Ўзбекистон касаба уюшмалари Федерациясининг “Kasaba KIAT” ахборот тизимининг маълумотлар базасида рўйхатдан ўтказилиши шарт. Бунинг учун **Жамоатчилик экспертизасининг ташкилотчиси вакили ёки** тармоқ касаба уюшмаси Республика кенгаши масъул ташкилотчиси Федерациянинг Ахборот технологияларини жорий этиш ва ривожлантириш бўлиmidан ахборот тизимига кириш учун логин ва парол олиши лозим.

17. Жамоатчилик экспертизасининг ташкилотчиси сифатида Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашлари иштирок этган ҳолларда тегишли масъул ташкилотчилар ўзи бевосита хизмат кўрсатувчи бошланғич ташкилотлар жамоа шартномаларини Ўзбекистон касаба уюшмалари Федерациясининг “Kasaba KIAT” ахборот тизими маълумотлар базасида рўйхатдан ўтказадилар.

Қолган барча ҳолларда қабул қилинган жамоа шартномаларини Жамоатчилик экспертизасининг ташкилотчиси рўйхатдан ўтказди.

18. Корхона, ташкилот, муассаса касаба уюшмаси қўмитаси (касаба уюшма ташкилотчиси) жамоа шартномасига имзо чекилган кундан бошлаб 6 иш куни ичида **Жамоатчилик экспертизасининг ташкилотчисига** ёки тармоқ касаба уюшмаси Республика кенгаши масъул ташкилотчисига имзо ва муҳрлар қўйилган жамоа шартномасини ҳамда жамоа шартномаси лойиҳасини маъқуллаш тўғрисида меҳнат жамоаси умумий йиғилиши

(конференцияси) баёнини сканердан ўтказиб PDF шаклида тақдим этади.

19. Жамоатчилик экспертизасининг ташкилотчиси ёки масъул ташкилотчи тақдим этилган жамоа шартномасини 12 иш куни давомида “Kasaba KIAT” ахборот тизими маълумотлар базасида жамоа шартномасига оид қуйидаги сатрларни тўлдиради:

“Шартнома рақами” (“Жамоатчилик экспертизасидан ўтказиш учун келиб тушган жамоа шартномалари лойиҳаларини қайд этиш китоби”даги тартиб рақами);

“Шартнома санаси” (Жамоа шартномасига тарафлар имзо чеккан сана);

“БКУТ (ППО)” (Бошланғич касаба уюшмаси ташкилоти “Kasaba KIAT” ахборот тизими маълумотлар базасидан танлаб олинади);

“Баён №” (Меҳнат жамоасининг умумий мажлиси (конференция) баёни рақами);

“Иш берувчининг ФИШ”;

“Касаба уюшмаси қўмитаси раиси ФИШ” (касаба уюшмаси қўмитаси раиси ёки касаба уюшмаси ташкилотчисининг ФИШ);

Шартнома иловалари (жамоа шартномаси электрон шаклда иловалари билан юкланади).

Жамоатчилик экспертизасининг ташкилотчиси ёки масъул ташкилотчи “Kasaba KIAT” ахборот тизими маълумотлар базаси рўйхатида мазкур жамоа шартномаси қайд этилган саҳифа скриншотининг распечаткасига имзо, штамп қўйиб бошланғич ташкилот касаба уюшмаси органига қайтариб беради. Ҳаракатдаги жамоа шартномаларига киритилган ўзгартириш ва қўшимчалар рўйхатдан ўтказилмайди.

20. Рўйхатга олинган жамоа шартномасининг PDF нусхаси “Kasaba KIAT” ахборот тизими маълумотлар базасида янгиси қабул қилингунча сақланади.

Якуний қоидалар

21. Агар экспертизадан ўтказилган жамоа шартномасида экспертиза натижалари инобатга олинмагани маълум бўлса, ёхуд ходимлар аҳволини қонун ҳужжатларида, шунингдек Бош, тармоқ (тариф) ва ҳудудий (минтақавий) келишувларда назарда тутилганига қараганда ёмонлаштирадиган янги шартлар аниқланса, жамоа шартномаси рўйхатга олинмайди. Бу ҳолда **Жамоатчилик экспертизасининг ташкилотчиси** раҳбари жамоа шартномасига имзо чеккан шахсларга нуқсонларни бартараф этиш муддатини белгилайди.

22. Агар белгиланган муддатда нуқсонлар бартараф этилмаса **Жамоатчилик экспертизаси ташкилотчисининг** ҳайъат органи тегишли мутахассисларни жалб этган ҳолда Меҳнат кодексига биноан жамоа шартномасининг ходимлар аҳволини қонун ҳужжатларида ва бошқа меъёрий

хужжатларда назарда тутилганига қараганда ёмонлаштирадиган шартларини ҳақиқий эмаслиги тўғрисида қарор қабул қилишга ҳақлидир. Бундай қарор 5 кун ичида жамоа шартномасига имзо чеккан шахсларга, шунингдек Бандлик ва меҳнат муносабатлари вазирлигининг Давлат меҳнат инспекциясига юборилади.

23. Мазкур тартиб 2021 йилнинг 1 сентябридан амалга киритилади, шу кундан эътиборан Ўзбекистон касаба уюшмалари Федерацияси Кенгаши Раёсатининг 2014 йил 24 октябрдаги 19-13-сонли қарори билан тасдиқланган “Ўзбекистон касаба уюшмалари Федерацияси тизимида жамоа шартномалари лойиҳаларини жамоатчилик экспертизасидан ўтказиш, қабул қилинган жамоа шартномаларини рўйхатдан ўтказиш ва сақлаш тартиби” ўз кучини йўқотади.

*“Ўзбекистон касаба уюшмалари Федерацияси тизимида
жамоа шартномалари лойиҳаларини жамоатчилик
экспертизасидан ўтказиш, қабул қилинган жамоа
шартномаларини рўйхатга олиш тартиби”га
1-илова*

**Касаба уюшмалари Республика кенгашлари қошидаги эксперт
комиссиялари томонидан жамоа шартномалари лойиҳалари
жамоатчилик экспертизасидан ўтказиладиган юридик шахслар**

Т/р	Тармоқ	Касаба уюшмаси Республика кенгаши қошидаги эксперт комиссияси томонидан жамоа шартномалари лойиҳалари жамоатчилик экспертизасидан ўтказиладиган тармоққа мансуб юридик шахслар
1.	Авиаходимлар	Барча юридик шахслар
2.	Агросаноат мажмуи	Рўйхатдаги ходимлар сони 500 нафардан кўп бўлган барча юридик шахслар
3.	Ахборот технологиялари ва оммавий коммуникация	“Ўзбектелеком” АКдан бошқа барча юридик шахслар
4.	Давлат муассасалари ва жамоат хизмати	Тошкент шаҳрида жойлашган рўйхатдаги ходимлар сони 100 нафардан кўп бўлган юридик шахслар
5.	Тадбиркорлик, бизнес ва хизмат кўрсатиш соҳалари	Рўйхатдаги ходимлар сони 300 нафардан кўп бўлган юридик шахслар
6.	Кимё ва фармацевтика саноати	Бевосита Республика кенгаши хизматига олинган юридик шахслар
7.	Металлургия ва машинасозлик саноати	1. Рўйхатдаги ходимлар сони 100 нафардан кўп бўлган барча юридик шахслар 2. Хоразм вилояти юридик шахслари
8.	Энергетика, нефт-газ ва геология	Қашқадарё вилояти юридик шахсларидан ташқари барча юридик шахслар
9.	Соғлиқни сақлаш	Фақат эслатмада кўрсатилган юридик шахслар
10.	Таълим, фан ва маданият	Рўйхатдаги ходимлар сони 500 нафардан кўп бўлган барча юридик шахслар

11.	Темирйўлчилар ва транспорт қурувчилари	Бевосита Республика кенгаши хизматига олинган юридик шахслар
12.	Транспорт, йўл ва капитал қурилиш, қурилиш индустрияси ходимлари	Рўйхатдаги ходимлар сони 500 нафардан кўп бўлган барча юридик шахслар
13.	Маданият, спорт ва туризм ходимлари	Рўйхатдаги ходимлар сони 200 нафардан кўп бўлган барча юридик шахслар
14.	“Олмалиқ КМК” АЖ	Комбинат тузилмасига кирувчи корхоналар ва ташкилотлар

Эслатма:

а) айрим тармоқлар миқёсидаги ягона жамоа шартномалари, “Олмалиқ КМК” АЖ, Федерация тасарруфидаги ташкилотлар, ўз аппаратининг, шунингдек тармоқ касаба уюшмалари Республика кенгайлари ҳамда Ўзбекистон касаба уюшмалари Федерациясининг Қорақалпоғистон Республикаси, вилоятлар ва Тошкент шаҳар кенгайлари аппаратларининг жамоа шартномалари лойиҳаларини Ўзбекистон касаба уюшмалари Федерацияси қошидаги эксперт комиссияси жамоатчилик экспертизасидан ўтказди;

б) тармоқ келишувларини тузган ижтимоий шерикларнинг республика идоралари, олий ва малака ошириш ўқув yurtлари, тармоқ касаба уюшмаларининг ҳудудий кенгайлари (бирлашган қўмиталари) аппаратлари жамоа шартномалари лойиҳаларини барча тармоқ касаба уюшмалари Республика кенгайлари қошидаги эксперт комиссиялари жамоатчилик экспертизасидан ўтказди.

“Ўзбекистон қасаба уюшмалари Федерацияси тизимида
жамоа шартномалари лойиҳаларини жамоатчилик
экспертизасидан ўтказиш, қабул қилинган жамоа
шартномаларини рўйхатга олиш тартиби”га
2-илова

Жамоатчилик экспертизасидан ўтказиш учун келиб тушган жамоа шартномалари лойиҳаларини қайд этиш китобини
тўлдириш

НАМУНАСИ

Т/р	Корхона, ташкилот, муассаса номланиши	Ходимлар сони	Қасаба уюшмаси ташкilotи раҳбари ФИИШ	Жамоа шартномаси лоийҳаси экспертизага тақдим этилган сана	Экспертиза натижалари берилган сана ва уни олган шахс имзоси ёки юборилган электрон почта манзили, мессенджер рақами	Жамоа шартномаси “Kasaba KIAT” маълумотлар базаси рўйхатида қайд этилган сахифа скриншотининг бошланғич ташкилот вакилига берилган сана ёки юборилган электрон почта манзили, мессенджер рақами
1	2	3	4	5	6	7

“Ўзбекистон қасаба уюшмалари Федерацияси тизимида
жамоа шартномалари лойиҳаларини жамоатчилик
экспертизасидан ўтказиш, қабул қилинган жамоа
шартномаларини рўйхатга олиш тартиби”га
3-илова

«ТАСДИҚЛАЙМАН»

(қасаба уюшма органининг номи)

эксперт комиссияси раиси

(Ф.И.Ш.)

йил «__» _____

(жамоа шартномасини тақдим этган юридик шахс номи)

жамоа шартномасининг лойиҳаси бўйича

ЭКСПЕРТ ХУЛОСА

Жамоа шартномасининг амал қилиш муддати _____

I. Экспертларнинг эътироз ва таклифлари:

“УМУМИЙ ҚОИДАЛАР” бўлими бўйича

“ИШЛАБ ЧИҚАРИШ ВА ИҚТИСОДИЙ ФАОЛИЯТ” бўлими бўйича

“МЕҲНАТ ШАРТНОМАСИ. БАНДЛИК КАФОЛАТЛАРИ” бўлими бўйича

“ИШ ВАҚТИ ВА ДАМ ОЛИШ ВАҚТИ” бўлими бўйича

**“МЕҲНАТГА ХАҚ ТЎЛАШ. КАФОЛАТЛИ ТЎЛОВЛАР ВА
КОМПЕНСАЦИЯ ТЎЛОВЛАРИ” бўлими бўйича**

“МЕҲНАТ ИНТИЗОМИ” бўлими бўйича

**“МЕҲНАТ ШАРТНОМАСИ ТАРАФЛАРИНИНГ МОДДИЙ
ЖАВОБГАРЛИГИ” бўлими бўйича**

“МЕҲНАТНИ МУҲОФАЗА ҚИЛИШ” бўлими бўйича

**“ИЖТИМОЙ СУҒУРТА. ИЖТИМОЙ ИМТИЁЗ ВА
КАФОЛАТЛАР” бўлими бўйича**

**“МАДАНИЙ-МАЪРИФИЙ, ЖИСМОНИЙ ТАРБИЯ, СОҒЛОМЛАШТИРИШ
ВА СПОРТ ИШЛАРИ” бўлими бўйича**

**“АЁЛЛАР МЕҲНАТИНИ ТАРТИБГА СОЛИШ. АЁЛЛАР ВА
ОИЛАВИЙ ВАЗИФАЛАРНИ БАЖАРИШ БИЛАН МАШҒУЛ
ШАХСЛАРГА БЕРИЛАДИГАН ҚЎШИМЧА ИМТИЁЗ ВА
КАФОЛАТЛАР” бўлими бўйича**

**“ЁШЛАР УЧУН ҚЎШИМЧА ИМТИЁЗ ВА КАФОЛАТЛАР” бўлими
бўйича**

“МЕҲНАТ НИЗОЛАРИНИ ҲАЛ ЭТИШ” бўлими бўйича

**“ИЖТИМОЙ ШЕРИКЛИК. КАСАБА УЮШМАСИ ФАОЛИЯТИНИНГ
КАФОЛАТЛАРИГА РИОЯ ЭТИЛИШИ” бўлими бўйича**

**“ЖАМОА ШАРТНОМАСИ БАЖАРИЛИШINI НАЗОРАТ ҚИЛИШ”
бўлими бўйича**

**“ЖАМОА ШАРТНОМАСИ МАЖБУРИЯТЛАРИНИНГ БУЗИЛИШИ
ЎКИ УЛАРНИ БАЖАРМАСЛИК УЧУН ЖАВОБГАРЛИК” бўлими
бўйича**

Иловалар бўйича

Экспертлар:

_____	_____
Ф.И.Ш.	(имзо)
_____	_____
Ф.И.Ш.	(имзо)
_____	_____
Ф.И.Ш.	(имзо)
_____	_____
Ф.И.Ш.	(имзо)
_____	_____
Ф.И.Ш.	(имзо)

**Жамоа келишувлари лойиҳаларини жамоатчилик экспертизасидан
ўтказиш тўғрисидаги
Н И З О М**

Умумий қоидалар

1. Мазкур Низом Ўзбекистон Республикасининг “Касаба уюшмалари тўғрисида”ги Қонуни ҳамда Ўзбекистон касаба уюшмалари Федерациясининг 2021-2025 йилларга мўлжалланган Стратегик йўналишларига биноан ишлаб чиқилган бўлиб, жамоа келишувлари лойиҳаларини тайёрлашда касаба уюшмалари органларига амалий ёрдам кўрсатиш учун жорий этилади.

2. Жамоа келишувлари лойиҳаларининг жамоатчилик экспертизаси уларнинг Ўзбекистон Республикаси норматив-ҳуқуқий ҳужжатларига ва Бош келишувга мувофиқлигини таъминлаш мақсадида амалга оширилади.

3. Жамоатчилик экспертизасини тезкор ва сифатли ўтказиш учун касаба уюшма органи Ижроия қўмитаси қарори билан тегишли комиссия тайинланади. Комиссия аъзолари (экспертлари)нинг сони Ижроия қўмита томонидан белгиланади ва одатда унинг таркибига: ҳуқуқий масалалар, меҳнатни муҳофаза қилиш, маданият ва спорт, молия, ижтимоий суғурта, ташкилий ишлар, меҳнаткашлар ижтимоий-иқтисодий манфаатларини ҳимоя қилиш, аёллар ҳамда ёшлар ҳуқуқларини ҳимоя қилиш бўйича мутахассислар киритилади. Касаба уюшма органи раҳбарининг ўринбосари комиссия раиси, мутахассисларнинг бири эса – комиссия котиби этиб тайинланади.

4. Ўзбекистон касаба уюшмалари Федерациясининг Қорақалпоғистон Республикаси, вилоятлар ва Тошкент шаҳар кенгашлари иштирокида қабул қилинадиган ҳудудий (минтақавий) келишувлар ва касаба уюшмалари Республика кенгашлари иштирокида қабул қилинадиган тармоқ (тариф) келишувлари лойиҳалари **Ўзбекистон касаба уюшмалари Федерациясининг эксперт комиссияси** томонидан жамоатчилик экспертизасидан ўтказилади.

5. Жойларда тузиладиган:

- туман (шаҳар)лар миқёсидаги ҳудудий (яъни маҳаллий ҳокимликлар иштирокидаги) ҳамда ҳудудий-тармоқ келишувлари лойиҳаларини жамоатчилик экспертизасидан ўтказиш Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашларининг **эксперт комиссиялари** томонидан;

Қорақалпоғистон Республикаси, вилоятлар ва Тошкент шаҳар миқёсидаги ҳудудий-тармоқ келишувлари лойиҳаларини жамоатчилик

экспертизасидан ўтказиш тармоқ касаба уюшмалари Республика кенгашларининг **эксперт комиссиялари** томонидан амалга оширилади.

Жамоа келишувлари лойиҳаларини экспертиза қилиш тартиби ва муддатлари

6. Манфаатдор касаба уюшмаси органи жамоа келишуви қабул қилинишидан 1 ой олдин тегишли эксперт комиссиясига жамоатчилик экспертизасидан ўтказиш учун унинг лойиҳасини иловалари билан қоғоз ёки электрон шаклда тақдим этади.

7. Экспертизадан ўтказиш муддати 10 иш кунидан ошмаслиги лозим, ушбу муддатни назорат қилиш мақсадида ҳар бир жамоа келишуви лойиҳасига экспертлар имзоси ва сана қўйиладиган айланма varaқ юритилади (1-илова).

8. Эксперт комиссиясининг котиби:

- тақдим этилган ҳар бир жамоа келишуви лойиҳаси дастлабки рўйхатга олиниши (2-иловада келтирилган шакл бўйича тутилган дафтарда) ва унга (3-иловада намунаси келтирилган шакл бўйича) “Эксперт хулоса” бланкаси юритилиши;

- лойиҳа ҳар бир эксперт эътиборига ўз вақтида ҳавола этилиши;
- лойиҳа мазмуни мазкур низомда белгилаб қўйилган муддатда кўриб чиқилиши;

- эксперт хулоса мазмуни манфаатдор касаба уюшма органига тезкор етказилиши учун масъулдир.

9. Эксперт комиссиясининг экспертлари:

- кўриб чиқиладиган лойиҳадаги меъёрий ҳолатларнинг Ўзбекистон Республикаси норматив-ҳуқуқий ҳужжатларига ва Бош ҳамда юқори поғонадаги тармоқ ва ҳудудий келишувларга мослигини баҳолаши ва бу борадаги аниқ эътирозларини “Эксперт хулоса” бланкасининг тегишли хошиясига ёзма равишда киритишлари ва ўз фамилияларини кўрсатган ҳолда сана ва имзо қўйишлари керак;

- агар биринчи кўриб чиқишдаёқ эътирози йўқ бўлса “Эътирозим йўқ” деган ёзувни “Эксперт хулоса” бланкасининг тегишли хошиясига ёзма равишда киритишлари ва ва ўз фамилияларини кўрсатган ҳолда сана ва имзо қўйишлари керак;

- жамоа келишуви сифатини янада такомиллаштириш юзасидан тавсиявий тусдаги таклифлари мавжуд бўлса уларни “Эксперт хулоса” бланкасида эмас, балки алоҳида varaқларда илова қилишлари ва ўз фамилияларини кўрсатган ҳолда сана ва имзо қўйишлари керак;

- кўрсатиб ўтган нуқсонлари бартараф этилганидан сўнг лойиҳани яна бир бор кўриб чиқиб “Эксперт хулоса” бланкасининг тегишли хошиясидаги “Нуқсонлар бартараф этилди” деган ёзув ёнига ўз фамилияларини кўрсатган ҳолда сана ва имзо қўйишлари шарт.

10. Эксперт комиссиясининг котиби томонидан экспертиза натижалари ҳар бир лойиҳага алоҳида ёзма равишда бир нусхада расмийлаштирилади ва 10 иш куни ичида қоғоз ёки электрон (PDF) шаклда жамоа келишуви лойиҳасини тақдим этган касаба уюшмаси органига қайтиб берилади. Ушбу жараёнда котиб эксперт хулоса ва жамоа келишуви лойиҳаларидан нусха кўчириб олишга ҳақли.

11. Нуқсонлари бартараф этилган жамоа келишуви лойиҳаси қоғоз ёки электрон шаклда яна бир бор эксперт комиссиясига тақдим этилади, эътироз ёзиб берган ҳар бир экспертга қайтадан кўрсатилади ва улардан нуқсонлар бартараф этилгани тўғрисида ёзув имзо билан олинади. Шундан кейин эксперт хулоса комиссия раиси томонидан тасдиқланади.

12. Агар жамоа келишуви нуқсонлари бартараф этилмасдан қабул қилинса, экспертизадан ўтказган касаба уюшма органи ўзининг Ижроия қўмитаси қарори билан Меҳнат Кодексига биноан жамоа келишувининг ходимлар аҳволини қонун ҳужжатларида ва бошқа меъёрий ҳужжатларда назарда тутилганига қараганда ёмонлаштирадиган шартларини ҳақиқий эмас деб эълон қилишга ҳақлидир. Бундай қарор 5 кун ичида жамоа келишувига имзо чеккан томонларга маълум қилинади.

Якуний қондалар

13. Жамоа келишувларига киритиладиган ўзгартириш ва қўшимчалар ҳам шу тартибда экспертизадан ўтказилади.

14. Кўрсатиб ўтилган нуқсонлар бартараф этилганидан сўнг лойиҳани яна бир бор кўриб чиқишда манфаатдор шахслар экспертизани тезлаштириш мақсадида ўзлари экспертларга кўрсатишлари мумкин.

15. Тарафлар томонидан имзоланган жамоа келишуви, унинг иловалари етти кунлик муддат ичида жамоа келишув иштирокчиларига, шунингдек билдириш рўйхатидан ўтказиш учун Ўзбекистон Республикаси Бандлик ва меҳнат муносабатлари вазирлигининг тегишли органларига юборилади.

16. Билдириш рўйхатидан ўтказилган сана ва тартиб рақами жамоа келишувнинг якуний варианты билан бирга эксперт комиссиясининг котибига электрон (PDF) шаклда тақдим этилади, сўнгра котиб томонидан Ўзбекистон касаба уюшмалари Федерациясининг “Kasaba KIAT” ахборот тизимининг жамоа келишувлари маълумотлар базасига юклаб олинади.

17. Қорақалпоғистон Республикаси, вилоятлар, Тошкент шаҳар ҳамда туман (шаҳар)лар миқёсидаги ҳудудий (минтақавий) келишувларни юклаш жараёнида “Ҳудуд келишувлари” саҳифасидаги куйидаги хошиялар тўлдирилади:

“Маълумот қўшиш” қисмида

- “Ҳудудий бирлашма” (Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгаши тимсолида);

- “Иш берувчи ташкилоти” (Ўзбекистон Иш берувчилари конфедерациясининг ҳудудий бўлинмаси);

- “Тасдиқланган сана” (Бандлик ва меҳнат муносабатлари вазирлигининг тегишли органида билдириш рўйхатидан ўтказилган сана);

- “Рақами” (Бандлик ва меҳнат муносабатлари вазирлигининг тегишли органи томонидан берилган рўйхат рақами);

“КЕЛИШУВ ҚАЙСИ ЙИЛЛАР УЧУН ТУЗИЛГАН” қисмида

- “Бошланиш”;

- “Тугаш”;

- “Илова” (Келишув матни юклаб қўйилади).

18. Республика миқёсидаги тармоқ (тариф) келишувлари, шунингдек Қорақалпоғистон Республикаси, вилоятлар, Тошкент шаҳар ҳамда туман (шаҳар)лар миқёсидаги ҳудудий-тармоқ келишувларини юклаш жараёнида “Тармоқ келишувлари” саҳифасидаги қуйидаги ҳошиялар тўлдирилади:

“Маълумот қўшиш” қисмида

- “Тармоқ ташкилоти” (тармоқ касаба уюшмаси Республика кенгаши, тармоқ касаба уюшмасининг Қорқалпоғистон, вилоятлар ва Тошкент шаҳар кенгаши, туман (шаҳар) кенгашлари тимсолида);

- “Иш берувчи ташкилоти” (Республика ёки ҳудудий тармоқ бошқарув органи (вазирлик, идора, давлат қўмитаси, агентлик, акциядорлик компанияси, бошқарма, бирлашма, бўлим ва ҳоказолар);

- “Тасдиқланган сана” (Бандлик ва меҳнат муносабатлари вазирлигининг тегишли органида билдириш рўйхатидан ўтказилган сана);

- “Рақами” (Бандлик ва меҳнат муносабатлари вазирлигининг тегишли органи томонидан берилган рўйхат рақами);

“КЕЛИШУВ ҚАЙСИ ЙИЛЛАР УЧУН ТУЗИЛГАН” қисмида

- “Бошланиш”;

- “Тугаш”;

- “Илова” (Келишув матни юклаб қўйилади).

19. Жамоа келишуви лойиҳаси муаллифлари ва эксперт комиссияси ўртасида юзага келган ихтилоф экспертизани ташкил этган касаба уюшма органи раҳбари томонидан кўриб чиқилади.

20. Мазкур Низом амалиётга жорий этилиши муносабати билан Ўзбекистон касаба уюшмалари Федерацияси Ижроия қўмитасининг 2013 йил 26 январдаги 9-21-сонли қарори билан тасдиқланган “Жамоа келишувлари лойиҳаларини жамоатчилик экспертизасидан ўтказиш тўғрисидаги Низом” ўз кучини йўқотган деб ҳисобланади.

*«Жамоа келишувлари лойиҳаларини
жамоатчилик экспертизасидан ўтказиш
тўғрисидаги Низом»га 1-сон илова*

_____сонли жамоа келишуви лойиҳасини жамоатчилик экспертизасидан ўтказиш

АЙЛАН МА ВАРАҒИ

[illegible]

«*Жамоа келишувлари лойиҳаларини
жамоатчилик экспертизасидан ўтказиш
тўғрисидаги Низом*»га 2-сон илова

“

Жамоа келишувлари лойиҳаларини экспертиза қилиш учун дастлабки рўйхатга олиш китоби”нинг
НАМУНАСИ

Тар- тиб сони	Лойиҳани тақдим этган касаба уюшмаси органи	Жамоа келишуви ким билан тузилган	Жамоа келишувининг тури ва амал қилиш муддати	Жамоа кели- шуви лойиҳаси экспер- тизага тақдим этилган сана	Экспер- тизанинг даст- лабки нати- жалари берил- ган сана	Эксперт хулоса тасдиқ- ланган сана ва уни олган шахс имзоси ёки юборилган электрон манзил, телеграм рақами	Жамоа келишуви Бандлик ва меҳнат муносабатлари вазирлигининг органида билдириш рўйхатидан ўтказилган сана ва берилган рўйхат рақами
1	2	3	4	5	6	7	8

*«Жамоа келишувлари лойиҳаларини
жамоатчилик экспертизасидан ўтказиш
тўғрисидаги Низом»га 3-сон илова*

«ТАСДИҚЛАЙМАН»

(касаба уюшма органининг номи)

эксперт комиссияси раиси

(Ф.И.О.)

ЙИЛ «__» ____

(келишувнинг номланиши ва тарафлари)

лойиҳаси бўйича
ЭКСПЕРТ ХУЛОСА

Жамоа келишувининг тури _____
(тармок, худудий)

Жамоа келишувининг амал қилиш муддати _____

I. Комиссия аъзоларининг эътироз ва таклифлари:
1.1. Ҳуқуқшунос

(Ф.И.О.)

(имзо)

«Нуқсонлар бартараф этилди»
(Ф.И.О.)

(имзо)

1.2. Меҳнатни муҳофаза қилиш бўйича эксперт

_____	_____
(Ф.И.О.)	(ИМЗО)
«Нуксонлар бартараф этилди»	_____
(Ф.И.О.)	(ИМЗО)

1.3. Маданият ва спорт ишлари бўйича эксперт

_____	_____
(Ф.И.О.)	(ИМЗО)
«Нуксонлар бартараф этилди»	_____
(Ф.И.О.)	(ИМЗО)

1.4. Аёллар ҳуқуқлари бўйича эксперт

_____	_____
(Ф.И.О.)	(ИМЗО)
«Нуксонлар бартараф этилди»	_____
(Ф.И.О.)	(ИМЗО)

1.5. Ташкилий ишлар бўйича эксперт

_____.

(Ф.И.О.)

(имзо)

«Нуксонлар бартараф этилди»

(Ф.И.О.)

(имзо)

1.6. Ижтимоий суғурта бўйича эксперт

_____.

(Ф.И.О.)

(имзо)

«Нуксонлар бартараф этилди»

(Ф.И.О.)

(имзо)

1.7. Молиявий ишлар бўйича эксперт

_____.

(Ф.И.О.)

(имзо)

«Нуксонлар бартараф этилди»

(Ф.И.О.)

(имзо)

1.8. Ёшлар ҳуқуқлари бўйича эксперт

_____.

(Ф.И.О.)

(ИМЗО)

«Нуксонлар бартараф этилди»

(Ф.И.О.)

(ИМЗО)

1.9. Меҳнаткашлар ижтимоий-иқтисодий манфаатларини ҳимоя қилиш бўйича эксперт

_____.

(Ф.И.О.)

(ИМЗО)

«Нуксонлар бартараф этилди»

(Ф.И.О.)

(ИМЗО)

II. Яқуний хулоса

Комиссия котиби

Ф.И.О.

(ИМЗО)

Ўзбекистон касаба уюшмалари
Федерацияси Ижроия қўмитасининг
2021 йил "24" августдаги
3-52, с" - сонли қарорига 3-илова

**Ўзбекистон касаба уюшмалари Федерациясининг жамоа келишувлари
ва шартномаларининг лойиҳаларини жамоатчилик экспертизасидан
ўтказиш комиссияси
ТАРКИБИ**

Махмадалиев Бахтиёр Хасанович

Ўзбекистон касаба уюшмалари
Федерацияси раиси ўринбосари,
комиссия раиси

Раҳманов Руслан Шавкатович

Меҳнаткашларнинг ижтимоий –
иқтисодий манфаатларини
ҳимоя қилиш бўлимининг
етакчи мутахассиси, комиссия
котиби

комиссия аъзолари:

Гаибназарова Нодира
Баходиржановна

- Меҳнатни муҳофаза қилиш бўлими мудир

Премқулов Ҳамидулла
Раҳматуллаевич

- Юридик бўлим мудир

Исаев Махмуджон
Ниматович

- Меҳнаткашларнинг ижтимоий-иқтисодий
манфаатларини ҳимоя қилиш бўлими мудир

Ишанханова Нигора
Насировна

- Ижтимоий суғурта бўлими мудир

Карабоев Раҳматилла
Абдусатторович

- Маданий-маърифий ва спорт ишлари бўлими
мудир

Раҳманова Ўйтибор
Абдурауфова

- Хотин-қизлар ҳуқуқлари бўйича эксперт

Ихтияров Жаҳонгир
Умарович

- Ташкилий ишлар бўлими мудир

Закирлаев Умид
Джавланович

- Ёшлар билан ишлаш бўлими мудир

Хамзаев Жўрабек
Абдиқулович

- Молия бўлими мудир

Изоҳ: Комиссия аъзолари бошқа ишга ўтганда уларнинг ўрнига тайинланган
(сайланган) ходимлар комиссия таркибига киритилади.

Комиссия аъзоси бетоб, таътилда, хизмат сафарида бўлганда ва бошқа узрли
сабабларга кўра ўз иш жойида бўлмаган ҳоллардагина унинг ўрнига комиссия раисининг
кўрсатмасига биноан экспертизага шу бўлимдаги бошқа мутахассис жалб этилиши
мумкин.